



DILIXENCIA: Para facer constar que o presente prego de prescricións técnicas foi aprobado por acordo da Xunta de goberno local adoptado na súa sesión ordinaria de data ..... de 2016  
Bueu, a de de 2016  
A secretaria do concello  
  
Nuria Lobato Del Río

**PREGO DE PRESCRICIÓN TÉCNICAS PARA A CONTRATACIÓN DO SERVIZO DE MANTEMENTO E INSTALACIÓN DOS SISTEMAS DE DETECCIÓN E EXTINCIÓN DE INCENCIAS DAS DISTINTAS DEPENDENCIAS, VEHÍCULOS MUNICIPAIS E COLEXIOS PÚBLICOS.**

ÍNDICE

**1.- OBXECTO E ÁMBITO DE APLICACIÓN**

**2.- PRAIAS A BALIZAR**

**3.- RELACIÓN DE MATERIAL NECESARIO PARA A EXECUCIÓN DOS BALIZAMENTOS NA TOTALIDADE DE PRAIAS OBXECTO DO CONTRATO.**

**4.- TRABALLOS PREVIOS: INSPECCIÓN E SUBMINISTRACIÓN**

4.1.- inspección e recoñecemento das zonas de acceso e balizamento

4.2.- reposición e subministración de material

**5.- EXECUCIÓN: instalación, retirada, limpeza e almacenamento.**

5.1.- Instalación

5.2.- mantemento

5.3.- retirada, limpeza e almacenamento

**6.- OBRIGAS DO ADXUDICATARIO**

**7.- CONTROL DOS TRABALLOS**

**8.- PAGO DE PREZO**



DILIXENCIA: Para facer constar que o presente prego de prescricións técnicas foi aprobado por acordo da Xunta de goberno local adoptado na súa sesión ordinaria de data ..... de 2016  
Bueu, a de de 2016  
A secretaria do concello  
  
Nuria Lobato Del Río

### **CLAUSULA 1.- OBXECTO E ÁMBITO DE APLICACIÓN**

O obxecto do contrato é a realización do servizo de balizamento das praias do Concello de Bueu, incluíndo a reposición, no seu caso, e subministración, instalación, mantemento, retirada, transporte, limpeza e almacenamento do material utilizado, de conformidade coas prescricións técnicas deste prego (en adiante, PPT)

A vixencia do contrato comprende as anualidades acotadas nos períodos establecidos na cláusula II dos pregos de cláusulas administrativas particulares reguladoras da contratación (en adiante PCAP).

O balizamento das praias deberá estar instalado dende o 1 de xuño ata o 30 de setembro de cada unha das anualidades as que se estenda o contrato.

O contratista queda obrigado a almacenar e custodiar o material ata que se produza unha nova adxudicación do contrato

### **CLÁUSULA 2.- PRAIAS A BALIZAR**

As praias nas que se instalará o balizamento son as que figuran na cláusula I.1 dos PCAP.

### **CLÁUSULA 3.- RELACIÓN DE MATERIAL NECESARIO PARA A EXECUCIÓN DOS BALIZAMENTOS NA TOTALIDADE DE PRAIAS OBXECTO DO CONTRATO.**

O contratista adxudicatario queda obrigado a subministrar o material necesario para a prestación do servizo obxecto do contrato durante as anualidades as que se estenda o contrato, e aquel outro que se poida necesitar durante a vixencia do mesmo.

Neste senso deberá subministrar nas cantidades necesarias para dar cumprimento ás obrigas que resultan da normativa sectorial aplicable e das instrución que ao respecto lle de o responsable do contrato o seguinte material como mínimo:

- Mortos de formigón de dimensións varias para o fondeo incluso a parte proporcional de elementos de sujeción (cadeas de aceiro, grifóns de aceiro, etc)ou elementos análogos que sexan necesarios para a súa unión coa correspondente boia.
- Boias esférico-cónicas amarelas de 80 cm. de diámetro fabricadas en PE para a instalación da banda de litoral.
- Boias bicónicas verdes de 80 cm. de diámetro fabricadas en PE para a instalación da banda dos canais náuticos.
- Boias cilindro-cónicas vermellas de 80 cm. de diámetro fabricadas en PE para a instalación dos canais náuticos.
- Boias bicónicas verdes de 40 cm. de diámetro fabricadas en PE para a instalación dos canais náuticos.
- Boias cilindro-cónicas vermellas de 40 cm. de diámetro fabricadas en PE para a instalación dos canais náuticos.
- Canais náuticos formados cada un deles por dúas cordadas de 100 mt de lonxitude aproximadamente incluso a parte proporcional de boiaríns e demais elementos necesarios para a súa correcta instalación.
- Corcheiras para a súa instalación entre boias da banda do litoral formadas por cabo de



DILIXENCIA: Para facer constar que o presente prego de prescricións técnicas foi aprobado por acordo da Xunta de goberno local adoptado na súa sesión ordinaria de data ..... de 2016  
Bueu, a de de 2016  
A secretaria do concello  
  
Nuria Lobato Del Río

poliestyl, boaríns e demais elementos necesarios para a súa correcta instalación.

O material a instalar estará realizado con materiais homologados para o balizamento.

#### **CLÁUSULA 4.-TRABALLOS PREVIOS: INSPECCIÓN E SUBMINISTRACIÓN**

##### **4.1.- INSPECCIÓN E RECOÑECIMENTO DAS ZONAS DE ACCESO E BALIZAMENTO**

O adxudicatario deberá instalar o sistema de balizamento en cada unha das praias conforme ao programa de traballo que deberá presentar con carácter previo a súa instalación que será informado polos servizos técnicos do concello e que deberá contar co visto e prace do responsable do contrato tal e como se recolle na cláusula XVII.1 dos PCAP.

O contido mínimo do programa de traballo se recolle na citada cláusula XVII.1 dos PCAP, debendo cumprir as ordes e indicacións que puidera recibir por parte do responsable do contrato e o sistema de balizamento a empregar deberá conter o material mínimo previsto na cláusula 3ª dos PPT.

Comprobarase así mesmo pola empresa os posibles servizos afectados que podan interferir no transcurso dos traballos debendo tomar as precaucións necesarias, así como contactar coas empresas subministradoras e organismos competentes para non interferir con ningún servizo, correndo ao seu cargo calquera tipo de afección aos mesmos.

A empresa adxudicataria deberá consensuar coas Confrarías de Bueu a instalación do balizamento.

Corresponderá á adxudicataria a obtención das preceptivas autorizacións da Capitanía Marítima competente, así como dos permisos e licencias necesarias para a execución dos traballos. Así mesmo correrá da súa conta o Estudio de Seguridade e Saúde previsto na normativa vixente no caso de ser necesario.

##### **4.2.- REPOSICIÓN E SUBMINISTRACIÓN DE MATERIAL**

Ao longo da vixencia do contrato, o adxudicatario deberá examinar o material dispoñible para a prestación do servizo, con antelación suficiente, a fin de determinar qué pezas son necesarias repor, no seu caso e así mesmo si é necesaria a adquisición de novo material para a correcta e completa instalación do sistema de balizamento en tódalas praias.

O custo do material que sexa necesario adquirir, ben por reposición de material deteriorado ou porque o existente non fose suficiente, será asumido en todo caso polo contratista entendéndose incluído na oferta económica que achegue

#### **CLÁUSULA 5.- EXECUCIÓN: instalación, retirada, limpeza e almacenamento.**

##### **5.1.- INSTALACIÓN**

O adxudicatario deberá proceder á instalación do sistema de balizamento en tódalas praias mencionadas nos PCAP, de acordo coa lexislación vixente e coas condicións ofertadas no programa de traballo que deberá achegar na fase de execución do contrato.

**A instalación do balizamento de todas as praias indicadas na cláusula I.1 dos PCAP.**



DILIXENCIA: Para facer constar que o presente prego de prescricións técnicas foi aprobado por acordo da Xunta de goberno local adoptado na súa sesión ordinaria de data ..... de 2016  
Bueu, a de de 2016  
A secretaria do concello  
  
Nuria Lobato Del Río

**deberá estar finalizada o día 1.06.2016** salvo que a sinatura do contrato se demorase por causas non imputables ó contratista.

Por circunstancias especiais que así o requiran, o Concello poderá variar este prazo sen que o contratista poda esixir contraprestación algunha por tal motivo.

### **5.2.- MANTEMENTO**

Dende a instalación do balizamento ata a súa completa retirada das praias, correrá a cargo del contratista o seu MANTEMENTO PREVENTIVO, que consistirá nun recoñecemento periódico das instalacións e dos seus elementos, comprobándose o estado xeral do balizamento, número e estado das boias, a súa aliñación, perda, tensado de cordadas, cadeas, grilletes, cabos, anclajes e fondeos e limpeza de incrustacións.

Así mesmo levará a cabo o MANTEMENTO CORRECTIVO URGENTE das instalacións, que englobará todas aquelas actuacións motivadas por avisos de perdas de elementos, roturas, revisións tras temporales e, en xeral, calquera actuación necesaria para a reposición ou substitución dos elementos dañados ou desgastados, de forma que o balizamento permaneza en perfecto estado durante toda a tempada estival, e nun máximo de 48 horas dende o aviso.

O prazo para o mantemento tanto preventivo como correctivo comezará no mesmo momento en que se termine a instalación dunha praia, e finalizará no momento en que se proceda á súa retirada.

Por circunstancias especiais que así o requiran, o Concello poderá variar este prazo sen que o contratista poda esixir contraprestación algunha portal motivo

### **5.3.- RETIRADA, LIMPEZA E ALMACENAMENTO**

Finalizada a tempada estival, procederase a retirar o balizamento existente en cada praia, extraéndose todos os elementos que o componen. **A data que se establece para fin de tempada de baño e principio da retirada do balizamento é o 30.09.2016.**

Unha vez retirados os elementos do balizamento que proceda de acordo coas ordes que ao respecto de o responsable do contrato, procederase á súa comprobación, limpeza e almacenamento. A limpeza das boias farase mediante auga doce a presión, cepillo e espátula. Os elementos metálicos serán endulzados e engraxados.

Unha vez limpos e debidamente preparados os elementos retirados deberán ser transportados para o seu almacenamento aos depósitos que o contratista pona a disposición do Concello de Bueu. A colocación dos elementos retirados no almacén ou almacenes que se dispoñan ao efecto realizarse de xeito que sexa posible mediante inspección visual polo responsable do contrato.

A custodia do material almacenado correrá a cargo do contratista, incluíndo os custes do seguro anual por roubo que cubra o 80% do custo total de adquisición, así como todos aqueles derivados do alugueiro de locais, consumos (auga, electricidade, servizos municipais), permisos e licencias.

### **CLÁUSULA 6.- OBRIGAS DO ADXUDICATARIO**

O adxudicatario ven obrigado é executar o contrato con estrita suxeición a este prego técnico, ao de



DILIXENCIA: Para facer constar que o presente prego de prescricións técnicas foi aprobado por acordo da Xunta de goberno local adoptado na súa sesión ordinaria de data ..... de 2016  
Bueu, a de de 2016  
A secretaria do concello  
  
Nuria Lobato Del Río

cláusulas administrativas particulares, as condicións propostas na súa oferta, o programa de traballo efectuado por conta do contratista, as ordes que no seu caso reciba do órgano de contratación ou responsable do contrato en quen delegue, e á lexislación vixente.

O adxudicatario disporá de todo o persoal necesario así como cantos medios técnicos e vehículos sexan necesarios para a correcta prestación do servizo en calquera tipo de circunstancia. Será obriga do adxudicatario uniformar, ao seu cargo ao seu persoal, debendo levar permanentemente unha placa identificativa colocada en lugar visible.

Asemade, deberá cumprir coa normativa en materia de seguridade laboral e prevención de riscos laborais respecto do seus empregados e das actuacións a realizar, podendo ser obxecto de penalidades en caso de incumprimento.

Á finalización dos traballos de retirada dos elementos do balizamento, no senso sinalado ao respecto polo responsable do contrato, e unha vez almacenados nas súas dependencias, o contratista realizará un informe co desglose do material retirado e o seu estado de cara á tempada seguinte. O dito informe entregárase no rexistro xeral do Concello no prazo que ao efecto sinale o responsable do contrato.

O adxudicatario deberá garantir a custodia do material sendo plenamente responsable do seu deterioro, perda roubo ou calquera outra incidencia que se produza, para o cal deberá ter subscritos os seguros obrigatorios, así como un seguro que cubra as responsabilidades que se deriven da execución do contrato.

O adxudicatario queda obrigado á subscrición dun seguro que dea cobertura ó risco de roubo do material instalado nas praias ou almacenado no seu local que cubra como mínimo o 80% do custo total de adquisición.

O contrato executarase a risco e ventura do adxudicatario nos termos que resultan dos PCAP.

#### **CLÁUSULA 7.- CONTROL DOS TRABALLOS**

O control dos traballos que resulten da prestación do servizo obxecto do contrato será realizado polo responsable do contrato que resulta dos PCAP.

#### **CLÁUSULA 8.- PAGO DE PREZO**

A facturación da prestación do servizo contratado realizarase en dous tramos. O contratista poderá presentar unha primeira factura polos traballos realizados unha vez instalado o balizamento en tódalas praias, e a segunda factura unha vez proceda a retirar, limpar e almacenar todo o material utilizado.

Así mesmo, en calquera momento o Concello poderá solicitar a documentación xustificativa de que os traballadores asignados ao contrato percibiron as súas retribucións e a empresa está ao corrente coas súas obrigas de Seguridade Social respecto dos traballadores.

Como requisito previo para o pagamento, as factura presentadas polo adxudicatario serán conformadas polo responsable técnico que designe o Concello, o cal controlará a calidade dos



**CONCELLO DE BUEU**  
**DEPARTAMENTO SECRETARÍA**  
RÚA DE EDUARDO VINCENTI, 8. 36930 - BUEU (PONTEVEDRA)  
SECRETARIA@CONCELLODEBUEU.ORG / TLF. 986 390 029 / FAX 986 322 099  
CIF: P3600400 J. Rex. E.111

Rf. PPT/S/C4-16

Page 6 of 6

DILIXENCIA: Para facer constar que o presente prego de prescricións técnicas foi aprobado por acordo da Xunta de goberno local adoptado na súa sesión ordinaria de data ..... de 2016  
Bueu, a de de 2016  
A secretaria do concello  
  
Nuria Lobato Del Río

servizos realizados.

O Concello de Bueu non recoñecerá ningún traballo realizado fóra das condicións estipuladas no contrato suscrito coa empresa adxudicataria que non conté co **CONFORME** previo do Concello, aínda cando fora solicitado por calquera persoa dependente laboralmente do Concello, non facéndose cargo en consecuencia, dos gastos que se producisen, polo que no se poderá proceder á súa facturación.

Bueu, a 26 de xaneiro de 2016  
O arquitecto técnico municipal

Alfredo De la Campa Ferverza